



REPUBLIKA E SHQIPËRISË

KUVENDI

KOMISIONI PËR INTEGRIMIN EUROPIAN

Dokument Parlamentar

RAPORT

PËR

PROJEKTLIGJIN “PËR KONTROLLIN SHTETËROR TË TRANSFERIMEVE NDËRKOMBËTARE TË MALLRAVE USHTARAKE DHE TË ARTIKUJVE E TEKNOLOGJIVE ME PËRDORIM TË DYFISHTË”

Komisioni për Integrimin European (në vijim Komisioni), bazuar në nenet 18, 32, 34 dhe 38 të Rregullores së Kuvendit të Republikës së Shqipërisë, në mbledhjen e zhvilluar në datë 17.07.2018, me cilësinë e **Komisionit për dhënie mendimi**, mori në shqyrtim projektligjin “*Për kontrollin shtetëror të transferimeve ndërkombëtare të mallrave ushtarake dhe të artikujve e teknologjive me përdorim të dyfishtë*”

Për paraqitjen e këtij projektligji, në mbledhje ishin të pranishëm përfaqësues nga Ministria e Mbrojtjes.

1. Qëllimi i projektligjit

Qëllimi i këtij projektligji, sipas nenit 1 të tij, është vendosja e kontrollit shtetëror mbi transferimin ndërkombëtar të mallrave ushtarake dhe të artikujve e teknologjive me përdorim të dyfishtë, për të siguruar mbrojtjen kombëtare të Republikës së Shqipërisë, sigurinë dhe politikën e jashtme, besueshmërinë ndërkombëtare të saj dhe garantimin e respektimit të angazhimeve ndërkombëtare të Republikës së Shqipërisë në fushën e sigurisë dhe të marrëdhënieve ndërkombëtare.

2. Plani Kombëtar për Integrimin European 2018-2020

Projektligji “*Për kontrollin shtetëror të transferimeve ndërkombëtare të mallrave ushtarake dhe të artikujve e teknologjive me përdorim të dyfishtë*” është i parashikuar në Kapitullin 30: Marrëdhëniet me Jashtë”.

1. ASPEKTET PROCEDURIALE TË PËRAFRIMIT

- Neni 70 i MSA-së njih rëndësinë dhe parashikon detyrimin e përafrimit të legjislacionit Shqiptar me atë të Bashkimit European;
- Neni 17, pika 2 e ligjit Nr.15/2015 “*Për rolin e Kuvendit në procesin e integrimit të Republikës së Shqipërisë në Bashkimin European*”, përcakton se projektligjet e paraqitura

nga Këshilli i Ministrave shoqërohen me tabelën që analizon shkallën e përputhshmërisë me të drejtën e Bashkimit Europian;

- Neni 68, pika 2 e Rregullores së Kuvendit të Republikës së Shqipërisë parashikon që Projektligjet duhet të shoqërohen me një relacion shpjegues, i cili përmban vlerësimin e harmonizimit të projektligjit me legjislacionin e BE-së.

2. ASPEKTET MATERIALE TË PËRAFRIMIT

Acquis e BE-së që përafrohet nga Projektligji i propozuar:

Legjislacioni parësor i BE-së:

- Traktati mbi Funksionimin e Bashkimit Europian (TFBE): **Nenet 28-29** (ish-nenet 23-24 të TKE); **Neni 207** (ish-neni 133 TKE); **Neni 346, pika 1, shkronja “b”** (ish-neni 296, pika 1, shkronja “b” e TKE),
- Marrëveshja e Stabilizim Asociimit Shqipëri-Bashkim Europian (MSA): **Neni 8, pika 3; Neni 16; Neni 124, shkronja “b”**.

Legjislacioni dytësor i BE-së:

- Rregullorja e Këshillit (KE) Nr.428/2009, datë 5 maj 2009 “*Mbi vendosjen e një rregjimi komunitar për kontrollin e eksportit, transferimit, ndërmjetësimit dhe tranzitit të mallrave me përdorim të dyfishtë*”, e ndryshuar.

Niveli i Përafrimit: I pjesëshëm

- Shkalla e përafrimit të projektligjit të paraqitur me acquis të BE-së është e pjesshme. Pra, projektligji në fjalë është në përputhje (nuk bie në kundërshtim) me dispozitat e burimeve parësore dhe dytësore të Acquis të BE-së të lartpërmendura, por nuk është në përputhje me të gjitha parimet që rrjedhin prej këtyre dispozitave.

3. SHQYRTIMI I PËRPUTHSHMËRISË SË DISPOZITAVE TË PROJEKTLIGJIT ME ACQUIS TË BE

Nga shqyrtimi i përputhshmërisë së projektligjit të propozuar me *acquis* të BE-së rezulton se për një përafrim më të saktë me legjislacionin dytësor e lartpërmendur është e nevojshme që në tekstin e tij të bëhen disa shtesa dhe ndryshime si vijon:

1. Shënimi në fund të faqes që lidhet me titullin e projektligjit të riformulohet si vijon:

“Ky ligj është përafruar pjesërisht me:

- Rregulloren e Këshillit (KE) Nr. 428/2009, datë 5 maj 2009 “*Mbi vendosjen e një rregjimi komunitar për kontrollin e eksportit, transferimit, ndërmjetësimit dhe tranzitit të mallrave me përdorim të dyfishtë*”, e ndryshuar. Numri CELEX 32009R0428, Fletorja Zyrtare e Bashkimit Europian, Seria L, Nr. 134, datë 29.05.2009, **faqe 1-269**”.

[Type here]

2. Shkronja “a” e pikës 5 të nenit 2 të projektligjit që jep përkufizimin e termit “Eksportues”, të riformulohet si vijon:

“5. “Eksportues” është:

a) çdo person fizik ose juridik, **ose partneritet**, në emër të të cilit paraqitet deklarata doganore e eksportit ose personi që në kohën kur pranohet deklarata ka kontratën me marrësin e ngarkesës në vendin e huaj dhe ka autoritetin që të vendosë për dërgimin e mallit jashtë territorit doganor të Shqipërisë. Nëse nuk është lidhur asnjë kontratë eksporti apo nëse mbajtësi i kontratës nuk vepron në emër të vetë atij, eksportues është personi që ka autoritetin të vendosë dërgimin e mallit jashtë territorit doganor të Shqipërisë;”

Komisioni, pas shqyrtimit të projektligjit, e miratoi atë me shumicë votash.

NËNKRYETARI

BLEDAR ÇUÇI